

吹

景

集

吹景集卷之九

烏程

董斯張遐周著

韓昌箕仲弓訂

竹書紀年不可不讀

十曰並出今人但知堯年而不知胤甲八年亦有此  
孽後元年今人但知漢文始而不知魏惠成王三十  
六年復改元夜中星隕如雨但知周莊王時而不知  
先紀於帝桀之十年玉化爲蝶但知開元帝逸事而  
不知惠王出居于鄭玉化爲蜮射人老生以不准所

得書如項曼都說天上事詭妄不可信亦夏蟲不可

語水者耶

按史記秦惠王十四年復稱後元年則又在惠成敗元後二年矣惠成之三十六年

之元年

### 雨金非休徵

任彥升述異載古詩安得天雨金使金賤如土案雨金亦非休徵禹八年六月雨金于夏邑是秋禹陟于會稽成王三十四年雨金于咸陽三十七年夏四月遂有馮几之命襄王三年雨金于晉七年戰韓原秦紫夷吾以歸蓋金乘兌氣毀折之象律中夷則亦著

傷形從上而下曰雨其君當之五行所稱白祥也

驪戎來賓

桀開寶中女直始入貢乃臣構稱名太師函首已醢  
于贊琛之曰成王歸自東都大事于太廟而驪戎已  
來賓矣王會圖便是黍離譜倚伏不容髮可畏易戒  
履霜詩勤桀土春秋書會戎于潛皆所謂謹之幾先  
也 祖宗禁日本通貢真識取夷大體忽必烈不信  
耶律信角端黷武視和戎臧之與穀耳

五觀 彭祖

左傳夏有觀扈國語楚士亶云啟有五觀韋昭注五觀卽太康昆弟也酈元水經注亦因之按書五子歌惓惓先訓此五子者啓賢胤也何得以商均管蔡况之王伯厚已有辨攷竹書帝啟十一年放王季子武觀沈約注武觀卽五觀也十五年武觀復叛彭伯壽征之乃來歸觀誠朱均之亞矣按漢東有畔觀縣當据觀之畔而名之耶彭伯卽錢鏐此一則可錄彭祖佚事又風俗通云陸終娶鬼方氏孕三年啟其左脅三人出焉啟其右脅三人又出焉一日昆吾二曰參

明三曰彭祖四曰會人五曰曹姓六曰季迥彭祖者  
一產六兄弟且皆從脅而出則所謂修己背垢而生  
禹簡狄胷剖而生契又不足怪矣昆吾霸于夏彭祖  
卽大彭也霸于商季連芊姓楚其後也霸于周三兄  
弟爲三代三霸尤奇之奇者一云彭祖至殷末七百  
二十年遁入流沙不知所終此與他所傳唾近而杳  
遠者亦異并著之

宜曰文武成康之罪人

弁彼鸞斯一章嗚咽不能竟讀然宜曰亦僅歌頌尾

未若武丁之殪孝已也借手腥膻遷我鎬鼎熊蹯不  
熟推刃何殊真古來亂臣賊子中第一非幽王之罪  
人實文武成康之罪人也說者率以社稷爲重君爲  
輕解之攷當時號公翰立王子余臣于攜是爲攜王  
號公疾風勁艸哉秦素號虎狼餌邠岐田其無足怪  
使晉鄭明冠履大義奉余臣于宗周梟宜曰而謝其  
父周家有祭主天下有人倫百世祀之可矣計不出  
此而醜焉戴殺父之賊以爲君不過以彤弓秬鬯抹  
殺倫理兩字耳噫聖人安得無春秋

胡傳用逸周書語

先儒駁汲冢書爲不經乃康侯傳已卯蒸採周月解  
中語今節錄云夏數得天百王所同其在商湯用師  
于夏除民之災順天革命改正朔變服殊號一文一  
質示不相沿以建丑之月爲正易民之視若天時大  
變亦一代之事亦越我周王致伐于商改正異械以  
垂三統至於敬授民時巡狩祭享猶自夏焉是謂周  
月以紀于政又其傳西狩獲麟孔子曰我欲見之空  
言不知行事之深切著明也亦全錄緯文此老說經



遠勝乃郎致堂史論趙大州先生言物不通方則國窮學不通方則見陋不朽語

管城子與孔方兄不兩立

長卿不典鸛鷖裘不能使邦君負弩子雲不卻富人萬錢不能捧筆從豹尾後手中多一錢腹中便少一字始皇帝燔書爲十二銅人張本耳管城子與孔方兄真不兩立哉

或問南陽以錢爲神可也謂之兄何居曰只是金戈戈耳客大咲

莫雁辨

澹園老人辨昏禮莫雁曰古人重冠昏皆以士而用

大夫車服不以爲僭大夫相見執雁見婦翁時不得  
不用大夫之贄禮矣援儀禮爲笏殊確適閱後漢昏  
禮首玄纁羊雁解云羊者祥也羣而不黨雁則隨陽  
漢人語精簡不可及董生曰此離離鳴雁義疏也漢  
昏禮見白六帖今范蔚宗書不載者

章懷注皇后紀亦  
引此語微有異

### 霍大將軍

霍大將軍元妃東閭氏見前漢書注後妻顯一服淫  
婢子耳至今與孫壽並舉此第一不學無術處然亦  
其上有以啟之當年金屋猶貯阿嬌更衣不進衛子

何煩令狐茂壺關一書博陸之不懲博望神奪其魄

哉

霍光妻一產二子見西京雜記光又有典衣奴曰還車見雲笈七籤

### 舍利受福

漢昏禮中復紀舍利受福二獸解云舍利獸廉而謙受福獸體恭心慈斯大禹山經所未載按蔡質漢儀正月旦天子作九賓樂舍利從西方來戲於庭極隋書音樂志大業中追四方散樂大集東都有舍利先來跳躍激水滿衢此卽漢昏禮中物哉乃小本彌陀云鸚鵡舍利疏稱梵語舍利此云鷲鷲又隋書婆利

國有鳥名舍利解人語則舍利復是羽族矣受福不見他書唯南齊志云玉輅漆畫輪受福輅又云金塗受福望龍諸校飾又云檠戟織成衣金塗沓駐及受福晉張敞東宮舊事云皇太子納妃有銀龍頭受福蓮華鈎鏤四副則江左時玉輅銀鈎猶有此製此獸不知作何形模唐後殊不聞此又蒲葦二種解云蒲衆多性柔葦柔之久按荀子云與時屈伸柔從若蒲葦樂府焦仲卿妻蒲葦紉如絲源此哉

舍利非舍利辨

舍利獸博徵群典無可據鄭康成姻禮謁文贊云舍利爲獸獸而能謙禮義乃食口無譏晉西京賦舍利甕甕化爲仙車注舍利獸名性吐金又曹子建舞歌白虎戲西除舍利從辟邪梁元帝纂要秦漢有扛鼎象人怪獸含利之戲此與漢儀隋書所引正合舍利當爲舍利無疑

### 騶虞

山經林氏國有珍獸大若虎五彩畢具尾長于身名曰騶吾乘之日行千里于嗟乎騶虞意卽此陸璣疏

云白文黑章此云五彩畢具微不同瑞應圖云箇耳  
如虎絕大不食生物能伏虎豹王會云史林以尊耳  
則騶虞有四名矣而賈生殊以爲誕新書曰騶者天  
子之圉也虞者圉之司獸者也本韓詩章句說果爾  
則王會所紀西申之鳳規矩之麟亦豈野鳥爲鸞歟  
騶詩傳作鄒歐陽公羅長原焦先生同賈說小有異  
喜新太過耳歐公不信河圖洛書何有騶虞哉野客  
叢書太倉稊米二書辨之甚詳茲不復載王伯厚云  
騶虞騶吾騶牙一物也羅願爾雅翼以騶虞爲馬亦

有見

用修引蹇叔處干語

用修解出宿干干引韋氏曆紀云蹇叔處干而干亡  
入秦而秦霸蓋虞字訛爲干干又訛爲干字三寫烏  
焉成馬蹇叔又百里之誤也飯牛一事猶好事者爲  
之况漢人說春秋事乎卽西晉一令升或云干姓或  
云干今其裔了不知所從用修依此解經真蘄直不  
可耐

肅雝詩

用修又解平王之孫齊侯之子云平王非周平王猶  
書稱寧王格王此解本毛萇傳孔穎達正義義猶未  
墮至云齊侯非姜氏後直竊王安石嚙語齊子由歸  
亦非文姜耶周公之孫莊公之子亦非魯僖耶周頌  
不顯成康毛鄭俱以爲非成王康王言武王成大功  
而安之也子由詩傳亦祖之儒先好鑒乃爾用修未  
超此論平王之孫子由同楊說且以齊襄公爲齊侯  
呂伋亦不可通

章後卿山堂考索  
鄭樵通志與僕合

于非邪辨



衛風出宿于干用修云干邳通開封有邳溝此据羅泌而誤者也邳在揚州吳夫差闕溝處杜預左傳注云邳溝廣陵韓江是許太尉云國也从邑干聲今屬臨淮本屬吳按史記紂以鄂侯爲三公徐廣注鄂一作邳漢河內有邳城又文王伐邳括地志云邳城在懷川河內縣西北二十七里水涇注沁水南流逕邳城西故邳關也城南有邳臺朱鬱儀箋云左傳邳晉應韓武之穆也邳音干邳水邳關並當作邳然則邳非邳也邳豈得爲干平易漸之初六鴻漸于干注水

淵也小雅秩秩斯干注淵也郡國志東郡衛國有干城水經注泚水又東南經干言山用修不引二書豈未之覩耶

舟人之子解

小東舟人之子熊羆是裴傳以爲舟楫之人如漢帝嬖黃頭郎錫之銅山恐未爾當讀爲何以舟之之舟子由公劉章解舟奉也樂毅書奉命可幸無罪卽便辟趨承意晦庵解云舟帶也字書帶字詁云繫佩也亦小人繫結于其君之意周禮云司裘季秋獻功裘

以待頒賜則熊羆之裘是華膺服私人猶諸臣弄臣  
百僚是試居然清瑣黜朝班矣言箕歛東人匪頒無  
節侯服不堪命也古有舟姜敦博古圖讀爲周鄭康  
成詩箋云舟作周裘作求謂周世臣子孫退在賤官  
使博熊羆在冥氏亢氏之職殊傳會不經一云舟恐  
州字之誤春秋州公如曹傳曰天子三公稱公州是  
當時三公未可知一云國語曰禿姓舟人周滅之韋  
昭曰舟國名夫舟旣爲周所滅則舟已屬周內地矣  
并錄之以備一說

秉心塞淵

衡燬亦是中才不得援剛而塞齊聖廣淵例看塞如  
不變塞之塞有鬱而不舒歛而不放之意淵如深淵  
之淵有競然若臨凜然若隕之意蓋詩人謂熒澤餘  
燼不絕如綫公能守其儉素戰戰焉若危亡之踵其  
後衣大布冠大帛其秉心證佐歟先是戴媽處州吁  
之難莊姜送之亦曰仲氏任只其心塞淵可以類言  
矣又駟之章云思無邪夫僖公用致成風委政季友  
三家爲孽與大東相終如其所云思亦僅思馬斯臧

而已豈真能無邪者哉然文公星言夙駕其旣也驟  
牝三千僖公去佞臣郭都閔農喜雨而彭彭伾伾之  
頌作民瘠而國肥百姓淵而庶物蕃吾未之聞也修  
馬政者當錄二詩日置座右

沽酒市脯不食解

居平疑食不厭精二語與耻惡衣惡食語似相解或  
曲解曰不厭精非與精期精至不厭也若爾則記者  
先作一精細觀窺聖矣何不云不厭糲耶蓋厭具厭  
足義食可精也不取足於精膾可細也不取足於細

曲肱蔬水樂在其中是不厭樣子然則饔餼敗之  
戒何居曰惡食云者對精細而言惡也蔬糲之與饔  
餼餒敗遠矣因是而得沽酒市脯之說漢魯恭云孔  
子當周衰亂酒酤在民薄惡不誠是以疑而不酤云  
然聖人真不能忘情精細間乎山梁之雉五步一飲  
十步一啄聖人儵然而作曰時哉時哉聖人渾身是  
一時字日用飲食任運騰騰有酒滑我無之則獨醒  
而已何必沽沽焉而食從酒起見也籩豆有踐無之  
則羹菜而已何必市市焉而食從脯起見也直從口

腹際現出大解脫大自在法門有亦不拘無亦不管  
非聖人直下指點處乎客曰子言辨矣五柳先生於  
沽酒三致意焉名教繩之將無獲罪噫陶公者真善  
學孔子者也公超然於是非評論之外以酒爲家直  
忘其我者也公不敢背長沙公討賊之意義熙後但  
書甲子江州刺史遺二十萬錢盡付酒家無贏者陶  
公之酒忠臣血也孝子泉也六經百氏之糟粕而畸  
人韻士之靈液也奚其沽奚其沽猶記十五年前戲  
作飲食之人論略曰人無輕視此飲食也必如五斗

待詔然後不負薯蕷地黃必如天隨生然後不負未  
棘之杞未莎之菊必如上陪玉皇下陪卑田院之髯  
學士然後不負江瑤柱真一酒今有人焉視聽言動  
茫無自持始也人化而爲飲食簞食豆羹都延饑沫  
旣也飲食化而爲人其人卽食前方丈此腹負將軍  
矣每自閱之輒胡盧不休輒書沽酒說紙尾

內典中字義

佛典中本師見史記樂毅傳云樂臣公學黃帝老子  
其本師號曰河上丈人祖師見漢書丁姬傳易祖師



丁將軍之玄孫居士見禮記居士錦帶及韓非子居士華喬又魏志管寧傳胡居士賢者也侍者見國語展禽侍者曰若有殃焉在又漢書侍者李平眷屬見史記樊噲傳呂須嬖屬注嬖音眷長老見漢書近世之事語尚在長老之耳宰官見郭象莊子注大鵬之與斥鴳宰官之與御風同爲累物耳某甲見周禮鄭玄註若言某月某日某甲詔書出某物若干給某官某事又應劭漢官儀博士凡十四人其督郵板狀曰某官某甲保舉又魏志許攸呼曹操小字曰某甲卿

無我不得冀州也布施見國語布施優裕供養出稽  
中散集以酒色爲供養謂長生爲無聊煩惱出河上  
公老子注天道惡煩惱人心惡多欲幃字出方言翻  
幃翳也注所以自蔽翳也又西京賦云撫鴻幃東都  
賦云樹羽幃幃曹子建樂府云一舉必千里乘颶舉  
帆幃授記荊荊字不見他書釋名曰荊別也大書中  
央中破別也然則卽今之合同并也文心雕龍云券  
者束也明白約束字形半分周稱判書古有鐵券以  
堅信誓授記之說得此始白

綸字古有二音

閔康侯綸巾辨證據實有持論精覈張按古今人表  
冷淪一作零綸服虔云淪音鰥又鄭成公綸師古曰  
綸音工頑反左思吳都賦綸組紫絳李善注引爾雅  
綸似綸組似組爲證音古頑切太平御覽草部引爾  
雅云云張揖廣雅綸組紱綬也俱古頑切楊子法言  
孝至篇五兩之綸半通之銅宋咸曰綸青絲綬也司  
馬溫公云綸古頑切又音倫蘇長公洞庭春色賦翠  
勺銀罍紫絡青綸又雙鳧觀詩紛紛塵埃中銅印行

青綸坡自注姑頑反綬也綸字舊有三音郎瑛云倫  
巾韻同音近詩法所忌故讀曰關此語真足捧腹春  
秋時未有巾製當以綬而得名康侯所稱名綬則二  
音並存名巾則舍倫無適老吏之案不可易矣

蕭子雲玄圃賦縹青綸之蓑析孫綽望海賦學綸  
扇風而繡舉

閔康侯

叩以字義

文選班孟堅幽通賦東鄰虐而殲仁兮王合位乎三  
五又謨先聖之大猷兮亦鄰德而助信漢書敘傳鄰

皆作𠂔古鄰字又漢隸衡立碑孫根碑俱有𠂔字釋  
文卽鄰字也然則鄰𠂔𠂔三字一字也攷說文𠂔字  
解𠂔驚𠂔也从二𠂔讀若謹徐鉉云謹俗作喧非是  
况袁切此音義又與孟堅不同祭酒豈別有徵耶

升菴雒字誤訓

古音略云雒音鵲說文鵲鵲也詩七月鳴雒光武都  
洛陽去水而从佳以洛作雒按說文雒字訓云鵲鵲  
也從佳各聲盧各切鵲伯勞也古閭切鵲或從佳雒  
自雒鵲自鵲不相混也爾雅雒鵲鵲音格今江東人

呼鵙鵙又鵙鳥鷦水鳥也似鵙而短頸腹翅紫白  
上綠色江東呼鳥鷦鵙伯勞似鵙而大易林云鵙  
必單棲鷦必匹飛攷王伯厚詩異同亦無七月鳴鵙  
之文僅孟子注曰七月鳴鵙楚辭鵙鵙先鳴注卽鳴  
鵙也升菴據臆說而改豳風何歟又油字訓云音涉  
引楊雄韓信銘身油項營按此語出班孟堅十八侯  
銘亦誤引

灝字

古音略灝字音書涉切引董仲舒頌舟輿浮灝章樵

注瀝浮掖之類此字諸書不收張按荊州記瀝陽縣  
東有鳳崗江乘記木廬山上有鍾乳流出瀝河上思  
村山弘君舉食檄云瀝湖獨穴之鯉水經注江水左  
得湖口水通大湖又東合瀝口水考兩漢地理郡國  
志俱逸之唯沈約宋書劉粹瀝陽縣男又荊州有瀝  
陽子相晉安陸人朱伺求分安陸東界爲此縣則縣  
創宋時此前宜無聞也又溫公通鑑姚弋仲據瀝頭  
胡三省註云此清河之瀝頭也水經注郝昭營陳倉  
城成諸葛亮圍之今瀝水對亮城是與昭相禦處也

則南北有二潏水矣

唐詩用字異音

唐人詩中字音有以上讀如誼相讀如旰帆蒲番槃  
俱作仄韻備見野客叢書餘冬序錄卅鉛錄筆叢說  
畧諸書按韓退之縣齋詩雀鼠得驅嚇嚇音罅合江  
亭詩事往悲豈奈奈音懦岳陽樓詩軒然大波起字  
宙隘而妨妨音訪遊青龍寺詩山來鈍駭之駭音矮  
酬崔四府詩貸借何患之借音迹東都詩新葦只蒲  
評之評音病聯句詩誰與刪荒茸之茸音冗元微之



東南行百韻詩徵俸封魚租封音俸疳臥詩一生長  
苦節三省詎行恹恹音乖又奔北翻成勇司南却是  
高高音歪嶺南詩聯游虧片玉洞照失明鑒鑒平聲  
夜池詩高屋無人風張幕張音漲春詩藥排難犯雪  
花乞擬連風乞音氣又苦思正旦酬白雪開觀風色  
動青旂思音四旦音冊又雁思欲迴賓風聲乍變新  
自注思上聲白樂天和令狐相公詩仁風扇道路陰  
雨膏間間扇平聲膏去聲長慶集元日對酒詩一碟  
膠牙餠膠去聲李義山石城詩簾冰將飄枕簾烘不

隱鉤自注水去聲陸龜蒙包山詩海客施明珠湘蕤料淨食自注料平聲可補諸書之逸

紅有四音

紅本音戶公切漢書女紅紅讀作工荀子大紅小紅亦作功用修引詩譜晉人遷于故紅借作絳字漢書恩澤侯表有紅侯劉攽注云今有虹縣音降水經瀧水南經曲紅縣又借作江字用矣

柏伯帛白百五字古通用

伯益班椽作栢益又左傳伯奮仲堪伯虎仲熊之伯

人表俱作柏伯牙淮南子作百牙伯達汲冢作百達  
伯嚭吳越春秋作白喜王克論衡又作帛喜柏伯帛  
白百五字古通用也古樂府窮劫曲有誅夷白氏語  
正指州黎被難介州辨其僞作云太子建有子勝後  
封白公非白氏王未究吳越始末耳若其辨畱兵縱  
騎及秦未稱王二語自不可易

吹景集卷之十

烏程

董斯張遐周著

韓昌箕仲弓訂

菴字義

相如賦菴蘭軒芋拾遺記漢任末編茅爲菴後漢書  
皇甫規持節監關中兵親入菴廬巡視三軍感悅注  
菴廬軍行宿室也郭冲條孔明五事云敕軍門臥旗  
息鼓不得妄出菴幔魏都賦比朝華而菴藹姚秦譯  
法華云猶在門外止宿草菴大涅槃經文字品云菴

者能遮一切諸不淨物於佛法中能捨一切金銀寶  
物是故名菴楞嚴經阿那律見閻浮提如觀掌中菴  
摩羅果翻譯名義集菴羅是果樹之名或云似奈此  
樹開花花生一女國人嘆異以園封之師子吼了義  
經長者女菴提遮大莊嚴經論云阿輸迦王以半菴  
摩勒捨施衆僧又根本說一切有部毘奈耶云有一  
毒龍於菴婆林依主而住維摩經菴羅園顏黃門家  
訓云並立草菴所署門字俱从艸皇甫謐逸士傳焦  
先結草爲庵廣雅云庠廡廬庵廨舍也又云廡廡廡

廡庵也劉熙釋名草圓屋曰蒲又謂之庵庵庵也所以自覆庵也字从广儀禮疏高宗諒闇鄭云闇讀如鷦鷯之鷽闇謂廡也說文闇閉門也闇平聲李善文選注闇猶庵也古人呼闇與庵同則菴庵闇三字同一音義也闇之一字尤古用修引菴間以爲晉人語按相如賦云菴間軒芊楊姝誤楊又云元人印章有以盦字代菴字者按博古圖有交虬盦伯芟盦說文盦烏合切卽俗晉字也字與音俱不同史記載禹貢縻絲之縻作盦盦字似可代縻不可代菴爾雅庵有

龜蒙之庵作弁則用修所引弁字或可代之黃魯直  
復云菴非屋不當從广按漢隸建寧三年衛尉衡方  
碑亦作庵字黃不見漢碑及劉熙張揖書耶所引焦  
光蝸牛廬亦繆陳壽志曰焦先曰瓜牛廬非光亦非  
蝸也

闢平聲漢何休讀李空同作康長公碑云長公自  
號曰已菴已菴者止於闢也井地精字學乃爾  
按晉王沉傳云庵焚者以博納爲通濟然則此菴  
字又有容受義耶

俗語有所祖

俗語亦有所祖宋景文筆記戴埴鼠璞及王野客王伯厚何燕泉楊用修焦澹園顧太初諸君載之詳矣茲更得數十則吾里謂愚者曰不知芻蕘爾雅釋草云藟藟董注似蒲而細不知芻蕘者豈不辨菽麥意乎語不堅確者曰活脫釋草又云倚商活脫注草生江南高丈許大葉莖中有瓢正白活脫者豈靡然如草意乎熟習者曰熟脫法華文句記第一云但成佛時而無脫之人來而避曰因說文云陞不媚前却陞



墜也失冉切閃當作墜手推曰搪方言云搪張也廣雅作揔云距也物之鎔釋者曰洋劉熙釋名曰飭洋也羹米消洋洋然也擘橙橘之屬曰杝廣雅云杝音八擘也隱跡曰畔陳後主時謠云齊雲觀冠來無處畔手取物曰攄音查方言凡取物泥瀆中謂之杻或作攄劉熙釋名云攄义也五指俱往也事穩曰妥帖杜詩千里初妥帖饋人曰作人情杜詩秬粳作人情珠曰珠子相如賦明月珠子少年曰後生儀禮兄弟之後生者舉觶于其長座主曰老師子華子云天下老

師先生端弁帶而說官之有職掌者曰管事李斯傳  
云管事二十餘年物之濶者曰匾崔融大禹碑螺書  
匾刻後漢東夷傳辰韓人生子皆以石押其頭令匾  
劉禹錫詩壓匾佳人纏臂金田畔曰田頭後漢王丹  
傳載酒微於田頭大樹下所以閉門者曰門音推范石  
湖桂海虞衡志門門橫關也不正曰差路差去聲唐  
詩云枯木巖前差路多貌不颺曰鄒搜大慧禪師自  
讚其像云鄒搜歛似天蒸棗以桐油入五色飾椽曰  
油音脯蔡襄茶錄云珍膏油其面自註油去聲生子

曰養韓詩外傳王季立而養文王扶持曰擡舉自樂  
大高荷詩亭亭自擡舉負而不償許而不予皆曰賴  
晉語曰已賴其地而又愛其實虛而少實曰空頭北  
史斛律金傳空頭漢合殺習氣曰毛病黃山谷刀筆  
云此荆南人毛病匠斲木而復平之曰鉋去聲元微之  
詩巨礎荆山采方椽郢匠鉋平聲牽船之索曰彈平聲子  
癸辛雜識云鍾會呼捉船索爲百丈趙氏注云百丈  
者牽船筏內地謂之宣音彈熱而不甚曰溫暾音吞樂天  
開元寺詩池水暖溫暾博戲者立一人司勝負曰頭

案唐英華薛慙有戲樗蒲頭賦云鑒座中之奔非爲  
席上之司南濕飯曰爛爾雅云搏者謂之爛音爛有  
所倚曰靠范政明岳陽風土記云江道回曲或遠或  
近雖無風濤之患而常靠閣枇杷之枇音辟張祐詩  
生摘枇杷酸物之柔潤者口滑撻東坡秧馬歌聳踊  
滑汰如鳬鷖公自注云汰音撻韓昌黎答張徹詩磴  
蘇遶拳跼注曰遶滑也音閤姑舉一二以志其概按  
周煥歸其詩序云取竹之簫者破而用泉爲笏以續  
之以備其牽者謂之百丈奔陽以爲鍾會蓋襲杜詩  
譌耳

今人呼茶酒器爲甃邵康節詩大甃子中消白日  
小甃兒上看青天

國  
侯

佛字有五音六義

佛字梵語具云三藐三佛陀簡而爲佛音符勿切佛  
者覺也大也按外典亦有此字異義異音吳越春秋  
計祝曰何順心佛命羣臣注云大也周頌佛時仔肩  
毛萇作符勿切云大也鄭玄音彌言輔佛是任也與  
佛胖同音曲禮云獻鳥者佛其首畜鳥者則勿佛也  
注佛符勿反佛者換轉其首恐喙之害人也學記其

施之也悖其求之也佛疏佛戾也荀子臣道篇云抗  
君之命以安國之危成國之大利謂之拂注或讀爲  
佛違君之意也楊子法言荒乎淫佛乎正注佛違也  
劉熙釋名轡佛也言牽引佛戾以制馬也又荀子非  
十二子篇云佛然平世之俗起焉注佛讀爲勃勃然  
興起貌一作彷彿之佛分勿切說文云見不審也古  
韻又作非律切與馘同音見詩韻輯畧自傳毅曰西  
域有神其名曰佛萬德之鴻名一舉而餘音俱廢而  
不宜矣然張謂餘音餘義皆可以大覺攝之一中有

多多中有一重重無盡何以名之佛者彌也刑賞之所不及格遐邇之所不及朗而舉其粗者猶能以因果輪轉之說惕人心而之善是王政翼也故曰彌也佛者拂也吾生也有涯而情也無涯順之則爲苦集二諦逆之則爲滅道二諦大涅槃梵行品云順流者謂凡夫人逆流者從須陀洹乃至緣覺大寶積經云我當逆流而行非順流者瓔珞經云鳩摩羅伽秦言逆流歡喜地須阿伽一波秦言逆流離垢地須那迦秦言逆流照明地四分律藏佛說偈云逆流迴死生

深妙甚難解首楞嚴云逆生死欲流反流窮根至不生滅又云旋汝倒聞機反聞聞自性流不逆聞不反生滅心不得而寂也故曰拂也佛者勃也人人有如來藏長夜無明若或覆之聞道一朝若或起之古佛齊肩與也勃焉故曰勃也佛者髴也如水中月如熱時酸無縛無著不有不空故曰髴也

獨黃香九宮賦  
銀佛律以願游

此義不可強解

### 拘有七音句有六音

拘之爲拘樓也夫人而知之也曲禮云必加帚於箕



上以袂拘而退注拘音古侯切荀子溝猶督儒注溝  
讀爲拘拘音寇又音抽莊子云吾處身也若擷株拘  
注其俱反與癰同音荀子哀公篇古之王者有務而  
拘領者矣注務讀爲冒拘與句同曲領也說文句七  
遇切句曲也本作𠂔漢書地理志武始漳水東至邯  
鄲入漳又有拘澗水東北至邯鄲入白渠應劭曰拘  
音矩夫然則拘之音有七也句之爲句逗也夫人而  
知之也左傳公伐邾取須句又申句須下伐之漢書  
地理志之寃句俱音劬左傳句芒句龍句餘句無句

漬禮記句者畢出倨中矩句中鉤考工記倨句外轉  
句兵禪柔地欲句庇謂之句弓爾雅句如羽喬九章  
算術有句股俱音鉤詩大雅敦弓旣句旣挾四鍤注  
句古豆反說文作穀正義云旣句是引滿之時也又  
華陽國志王平句扶張翼廖化並爲將軍時人曰前  
有王句後有張廖廖音力救反莊子屨句屨者知地  
形注句音矩又句漏漢地理志作苟漏據此句當音  
苟夫然則句之音有六也

趙字三音九義

趙音肇趨也少也久也冬日之衰夏日之瘠此以氏而名之者也玄鳥司分伯趙司至此以鳥而名之者也周頌其笠伊糾其鑄斯趙音直了反刺也此以鑄而名之者也荀子箴賦頭銛達而剽趙繚者耶註趙讀爲掉掉繚長貌言箴掉尾而繚也掉徒弔切此以箴而名之者也方言云牀秦晉之間謂之扛南楚之間謂之趙此以牀而名之者也廣雅云趙召也此以音而名之者也劉熙釋名趙朝也本小邑朝事大國也此以邑而名之者也

趙字又有一義爾雅休無實李郭璞注一名趙李  
此以木而名之者也 康侯

乙字義

乙字本義見前乙乙解中乙之名其候也鴻之乙也

越人以爲鴻燕之乙也 月令孟春仲春其日甲乙正

其去一乙之放其文也魚之乙也 爾雅魚腸謂之乙

言其來如篆書 虎之乙也 虎威骨如 甲之乙之之乙也循

其次而乙焉者也 如令甲令乙 塗之乙之之乙

也 疾書多塗乙乙者乙註其旁也 貌其形而乙焉者

也一字而數義具焉者此類是也

說文乙字徐鍇云燕也其形下曲與甲乙字少異  
甲乙之乙音壹此音軋然釋名云甲孚也乙軋也  
律歷志亦以軋爲乙則兩字本可互用班祿識字  
豈不如徐楚金乎

黨有三音六義段有四音四義

君子不黨之黨多明反又讀作儻他明反漢書黨可  
僥倖又音掌左傳哀二十一年侯于黨氏之溝又借  
爲讜言之讜荀子非相篇實博而黨正注讜同汲冢

書祭公黨言亦作此解又廣雅云黨所也古以中原  
爲上黨見吳語子胥云上黨之國吾攻而勝之不能  
居其地又公羊文十三年往黨反黨注時也又方言  
黨曉哲知也楚謂之黨郭璞解云黨朗也曉寤貌又  
釋名云五百家爲黨黨長也一聚之所尊長也段古  
下切从皮从二古文假借之假瑕玷之瑕昭假之假  
皆作段段與段不同段从殳詳見轉注古音畧按考  
工記攻金之工築冶鳧臬段桃段音暇此又古音畧  
所未載也

芳苒字義

汲冢書如木旣顛厥巢其猶有枝葉如草旣薤厥藂其猶有綴芳孔晁注亦無音釋南齊朱碩仙善歌吳聲獨曲武帝出遊鍾山幸何美人墓碩仙歌曰二憶所歡時緣山破苒荏山神感儂意磐石銳鋒動宋書羊玄保傳春種竹木雜果爲林苒梁書王僧辯傳耀軍城東隴上芟除草苒亦不曉苒音按法華文句記第一卷云初記繁苒故須云削注苒如蒸切陳殷相積也冲虚博物紀趙襄子事云苒一作芳則知芳與

芴一字也張處度注云芴而任反草不翦曰芴又荏  
之與動本非一音詩荏荏蒹蒹爾雅云戎荏謂之荏  
荏又蘇桂荏俱音稔据此荏當叶冗矣亦可補古音  
畧

汲冢語升庵所引者張按汲冢書如木旣顛二語  
在嘗麥解中無如草二語商誓解云爾百姓獻民  
其有綴芳其語與升庵所引亦不倫楊合二解爲  
一悞憶耶抑別有秘本耶

旼髻字義



魏畧蜀先主好結眊韻會眊而志切一曰續羽爲衣  
一曰兜鍪上飾孔明與兄瑾及孫權書俱有白眊字  
備載楊去奢輯諸葛書按晉語卻叔虎被羽先登遂  
克之韋昭注被羽者以鳥羽繫於背若今將軍負眊  
矣韋昭亦吳人季漢時當有此製太平御覽引庾翼  
書今致兜鍪白眊自副雙旛眊一副又朱漆鍬二十  
張鍬所  
諫切絳碧畫幡黑眊自副陶侃故事云奉獻金鍬  
白眊四枚通鑑齊永明中李叔獻獻純銀兜鍪乃孔  
雀眊宋書竟陵王誕傳須官髮爲稍眊朱超石傳自

眊旣舉超石赴之北史蠕蠕傳白眊赤漆槊十張俗  
說謝安年十三時便有名譽慕容垂餉謝白狼眊一  
雙吳志甘寧挾持弓弩負眊戴鈴曹操與楊彪書今  
贈足下十鈴眊一具隋書禮儀志云長槊楯弩及甲  
眊各稱兵數又云羽葆眊鼓吹悉改著進賢冠外給  
絲眊鼓吹著武冠又煬紀云大業三年車駕發江都  
盛修儀仗課州縣送羽毛百姓求捕之網羅被水陸  
禽獸有堪鑿眊之用者殆無遺類何承天戰城南篇  
云虎騎躍華眊旋

又劉苞詩云  
鳴珂飾華眊

梁簡文帝虎窟山寺

詩飄飄旌旄懸梁元帝燕歌行金羈翠旄往交河

升庵

以此爲庾信詩殊誤又武帝襄陽詞翠旄白玉羈簡文帝馬槊譜序云翠旄與紅塵俱動

詩采旄分脩廊

又劉孝儀孝威詩俱用采旄

此所云羽衣整飾者

非耶又按漢魏故事云若與外國節皆用赤黑爲旄

異于常節後漢光武紀持節北渡河注節所以爲信

也以竹爲之柄長八尺以旄牛尾爲其旄三重西南

夷傳黃金旄牛旄顧野王曰旄結毛爲飾也卽今馬

及弓槊上纓旄也博雅云旄旄蜀也沈約吐谷渾傳

論云金罽旄旄非用斯急南齊禮志云玉輅十二旒

金塗龍衛火燄幡真眊二轄飛鈴幡用赤油金有紫  
真眊繁纓金塗紫皮紫真眊橫在馬前指南車竿縣  
雜色真孔雀眊西京雜記五色流蘇帶以綠紋紫綬  
每好風日幡眊光影照曜一殿資治通鑑隋煬帝時  
四方散樂大集舞者鳴環佩綴花眊後魏書島夷傳  
繡帷鏤帶重鈴疊眊梁書陸襄傳入山採藥拾得五  
色幡眊此數種又出於羽衣兜鍪之外矣升庵引東  
京賦髥髦被繡以爲證張按李善注髥髦頭茸騎也  
漢書羿爲髦頭

又西陽雜俎引北齊迎南使儀云儀  
仗百餘人剪絲如示帶白羽間爲稍

髥髮絳袍帽凡  
五色袍隨髥色

攷馬編古今注云秦皇東巡猛獸突

前有武士戴狸皮白首獸畏而遁遂軍仗儀服皆作  
狸頭以威不虞狸頭卽髥頭也乃玄中記及犖虞決  
疑要注所載髥頭與編說互有同異惟張茂先云壯  
士怒髮踴衝冠義取於此張公語差爲得之徐爰云  
熊皮冠謂之髥頭審爾則髥自屬皮冠髥自屬羽飾  
髥髥二物李叅軍槩以髥頭茸騎糴之誤矣

曹操書十鈴髥古文苑作鈴苞一具當以徐堅爲

正

按魏文帝列異傳云秦文公時梓化為牛以蹄擊之騎不勝或墮地髻解被髮牛畏之入水因是置旄頭騎使先驅叅軍或據曹說耶

𦍋音二見北堂書鈔孔雀𦍋注獨十誦律第四十卷𦍋衣注音而容反又曹憲廣雅注以爲音毛未知何出

又𦍋字義

筆亦可名𦍋魏辛毗云御史簪筆以奏不法如今者直備位𦍋筆耳隋志今文官七品已上通𦍋之是也

貂亦可名眊董巴輿服志云內常侍加黃金附蟬眊  
尾謂之惠文冠隋志云侍臣眊豐貂是也拂亦可名  
眊張敞晉東宮舊事云皇太子納妃有白眊拂二枚  
南史婆利國主坐金高坐侍女持白眊拂及孔雀扇  
是也珠亦可名眊北史吐谷渾傳夸呂椎髻眊珠以  
阜爲帽是也色絲亦可名眊梁書貞惠世子傳以五  
色眊辦鮑泉鬚是也鳥羽俱可名眊沈佺期詩鸚鵡  
林中彩眊分柳絮荻花亦可名眊內典翻譯名義集  
云毳羅綿亦毳楊華或稱毳羅眊梁元帝春荻詩云

非秋無有眊未燒不生煙是也藤亦可爲眊齊民要術云眊藤大小如華蒿蔓衍生人採取剝之以作眊是也据服虔通俗文曰毛餘曰眊則凡絲羽華草之下垂者並可以眊名矣眊之義於是乎大備

眊筆崔豹古今注作珥筆

爹有三音姐有六音

爹字今作陟邪反廣雅云爹爹父也大可反南史所稱始興王人之爹赴人急如水火其證也程大昌引孫愐唐韻羗人呼父曰爹音遮則爹有三音矣姐子



野反廣雅云姐母也案字書姐卽𡙇字子我反漢書  
楊雄傳藉蕩姐之塲後漢書西羌傳有封養牢姐𠂔  
姐𠂔音先勒姐注音紫升庵轉注畧又音租嫗姐女  
態也字本作嫗省作姐引稽康詩恃愛肆姐不訓不  
師張按說文嫗字訓女嬌也將豫切李善注稽康幽  
憤詩亦引說文音子豫切升庵以稽詩姐字音租殊  
誤然則姐有六音矣

蓮有三音直有十五音敦有十二音

蓮七賢切漢地理志蓮勺之蓮音輦廣雅鳶尾鳥蓮

射干也蓮音所夾反苴有十四音見升庵澹園所引  
按荀子大畧篇云藍苴路作似知而非註苴讀爲姐  
慢也趙蕤注長短經知人篇曰姐者類智而非智姐  
伺也才野切此音二先生所未引者則苴有十五音  
矣敦有九音見筆乘按荀子禮論篇云憚詭其所敦  
惡之文也注敦讀爲頓頓困躓也筆乘載爾雅敦丘  
之敦音鈍按爾雅太歲在子曰困敦之敦音頓丘一  
成爲敦丘之敦音惇如覆敦者敦丘之敦音堆未聞  
有音鈍者筆乘不知何據又左傳帝鴻氏有不才子

謂之渾敦敦音徒本反莊子越人斷髮文身司馬彪  
本斷作敦則敦又可音斷此三音又筆乘所遺者然  
則敦有十二音矣

佳俠函光

悼李夫人賦曰佳俠函光孟康曰佳俠猶佳麗也陋  
甚說文云佳善也俠俛也又釋俛云使也停云止也  
俛停俗從女此二字極狀輕颺之態廣雅云俛佺遊  
挑俠也古任俠遊俠亦取輕佻不檢義賦中云菱扶  
音紆  
歟 俛風縹姚愈莊南華經姑射神人吸風飲露洞

冥記帝嘗以衣帶縛麗娟之袂閉庭重幕恐隨風而  
去也張平子南都賦儼才齊敏高唐賦湫湫如風洛  
神賦驚鴻遊龍流風迴雪謝康樂江妃賦飄翰凌煙  
皆俠字注脚俠之一字盡家所云逸品也郊祀歌亦  
云被華文厠露縠曳阿錫佩珠玉俠嘉夜蒨蘭芳澹  
容與獻嘉觴俠嘉卽佳俠也武皇漁色真有神解楊  
子雲亦是個中人方言云凡好而輕者謂之娥或謂  
之媼或謂之姣美人不俠必不能佳由光者卽所云  
神光離合也明君之豐容靚飾太真之傾國名花僅

可供肉眼賞鑒子瞻云短長肥瘠各有態玉環飛燕  
誰敢憎猶未是品花具眼

子建樂府用寒字

曹子建樂府炮鼈炙熊蹯宋本作寒鼈李善注韓羊  
韓兎韓雞本韓國所爲也韓古寒字通此鮮姝強按  
子建七啓又云奉芳蓮之巢龜宋本作寒芳苓李善  
引鹽鐵論羊淹雞寒又云寒今脰肉也脰不曉何物  
疾鯖錄及靖康細素雜記二書引廣韻之煮魚煎食  
曰脰資暇云涪肉謂之寒皆未甚悉按脰古鯖字一

作饔齊民要術有脰魚鮓法又有五侯脰法云用食  
板零拚雜鮓肉入水煮如作羹法儀禮士昏禮云大  
羹湑在爨又設湑於醬南注湑去急反煮肉汁也然  
則有汁者卽謂之寒不必更生別解矣

六經正誤云  
湑從肉不從

日作湑  
者非

若用修晦伯引崔駰傳之雞寒曹植文之寒

鶴說殊未暢考雞寒出崔駰博徒論楊陳俱云駰傳  
亦誤也若寒之與韓自不可通左氏世本以韓哀爲  
寒哀漢書古今人表以寒湑爲韓湑或一時傳寫誤  
耳則可韓厥可寒乎

倩靚字義

魏志陳思王曰顧當面試奈何倩人倩所見反說文  
倩美也逸詩巧笑倩兮漢人呼魏無知爲魏倩東方  
先生字曼倩荀氏六子皆字倩東齊人以壻爲倩皆  
與假手義無關按廣雅云招命靚招呼也又云令召  
靚也靚才性反曹憲注云屈靚之靚今云靚師僧者  
是矣倩人當爲靚人王融曲水詩序靚粧藻野衺服  
縵川本相如太冲二賦郭璞曰靚粧粉白黛黑也未  
盡其趣靚者召也言極其艷飾目挑心招所謂冶容

誨謠也班婕妤賦云眇眇今覩處亦同覩召之義益  
團扇被捐以後幽憂餘生魂魄眇眇如有所失覩處  
者猶楚些之招魂願復返其故處也倩之爲覩審矣  
若甘泉賦之暗暗覩深王莽傳清覩無塵之覩自當  
以靜義解之可強一哉

愁有四音

愁本音鋤尤切楊雄著畔牢愁音曹憂也文子曰肉  
凝而不食酒澂而不飲外束其形內愁其德注愁音  
囚易晉如愁如鄭玄曰變色貌陸德明釋文愁音子



小反與悄同

升庵以爲畔半愁之愁音曹卽俗  
悄字按韻書悄自音倅楊說非也

吹景集卷之十

終